

آبونه شرائطی

ممالك عثمانیه ده سنه لکی (۶۵) ، التي
آیلغی (۳۵) غروشدرد .
ممالك اجنبیه ده سنه لکی (۱۷) ، التي
آیلغی (۹) فراتقدر .

اداره خانه

باب عالی جاده سنده دائره مخصوصه

اخطارات

آبونه بدلی پشیندر .

§

مسلكه موافق آثار مع المحتویه قبول
اولنور . درج ایدیلیمه یازیلر
اعاده اولوغاز .

الکشاف

۱۳۳۰ ۱۳۳۱

دینی، علمی، ادبی، سیاسی هفته لق مجموعه اسلامییه در

والله یهدی من یشاء الی صراط مستقیم

اتبعون اهدکم سبیل الرشاد

اخطارات

رساله مزدن آلدیغی کورتمک شرطیله
بتون یازیلر هر هانکی رغزته طرفندن
اقتباس اولونه بیاید .

§

مکتوبلرک ، امضالرک واضح و
اوقوناقلی اولسی و آبونه صره
نومروسی محتوی بولونسی لازمدرد .

§

ممالك اجنبیه ایچون آبونه اولانلرک
آدرس لرینک فرانسز ده یازلسی
رجا اولنور .

§

پاره کوندرلدیکی زمان تهیه دائر اولدیغنک
واضحاً بیلدیلمسی رجا اولنور .

تربیه و تعلیمه حصر اولونور . بو وجهلهده امور ملت و حکومت و امور خیریه خدمت ایدیلش اولور .

عرض ایتدیکم تشبثک قدری غایت بالاتر اولوب بو اثر ذات حضرت خلافتناهی نك كتيخانه سنك الك قيمتلی ، الك نادر والزم بر كتاب معتبری اولمالیدر .

بونك باشنده یوكسك ومستثنا سیالر كورونمك ایستره ذات اقدس حضرت خلافتناهی افندمن وشيخ الاسلام افندی حضرتلری شوتشبت خیری بك موافق كورهرك لطف ومعاونتلیخی هیچ بر وقت دریغ بویورمیه جقلرینه هیچ بر مسلم شبهه ایتمز .

احمد جاوید

حاشیه : حقایق ومعالی اسلامیه به دائر علمای دین ایله شرق وغربك محررين مشهوره سی طرفندن یازیلان آثار ومقالات مختلفه یی یكری سنه دهری جمع وتلفیق ایدرهرك « منتخبات حقایق وحكمیات اسلامیه » عنوانی ویردیكم وایکی بیک سكسان اوچ صحیفه تشکیل ایدن بواثری یوقاریدن بری بسط وتمهید قلندی ووجهه چالشیاه حق اولورسه اولرك خدمته تودیع ایدرم .

ج . ا .

شیون

محاربه :

وضعیت حاضره معروف و سلطنت . — ادرنه نك سقوطی اوزرینه روم ایلیك استخلاصندن قطع امید ایدن باب عالی آرتیق امر واقعی قبول ایتك مجبوریتنده قالدیغی آكلایه رق ، حربه نهایت ویرمك ایستهن دول معظمه نك توسط تكلیفاتی بلا تردد عیناً قبول ایتدی؛ متفقین اهل صلیب ایسه بوتون روم ایلی یی استیلا ایدرك اجرا ایتدیکی بوقدر مظلوم وحشیانه ایله ، آقندیغی اسلام قانلری ایله قانمایه رق اسلامك ابدی بویوك دشمنلریله برابر بوتون بوتون نور اسلامی سوندورمكه عزم ایتدكلرندن دول متوسطه نك تكلیفاتنه بالابروازانه شرائط درمیانیه جواب ویردیلم . عالم اسلامده باشلایان حرکات انتباهكارانه دن آتی ایچون اندیشه یه دوشن انکلیزرل افریقاده ، اوروپاده دولة الخلافیه ودولایسیله عالم اسلامه ایندیردیکی ضربه ایله مسلمانلرك فعالیت وامیدلری انکساره اوغراتمق ایسته دکن صوگرا ، بودفعه باش کوسترن دیگر برتهلککی ، اسلاو استیلاسنی ده طور دیرمق اوزره اوتهدن بری مدهش رقیبی اولان آلمانیا ایله ائتلاف ایدرك بوقدر فلاکتله دوچار ایتدیکی دولة الخلافیه یی شیمدی حمایه مجبور اولدی . اوتهدن جهانك دیگر برقطب عظیمی اولان آلمانیا ده ینه عینی تهلیکده قارشى کندی بقای حیات ومنفعی نامنه عثمانیلانی مدافعه یه عزم ایتدی . نتیجه احوالك ایسه یقینده کلاشیله جفی طبعی در .

ایسته اوچوز کسور میلیون کتله اسلامیه مرکز اولان

خلافت اسلامیه وسلطنت عثمانیه بوکون شو ایکی دولتک ، قره لر و دکنزلر حاکمی آلمانیا وانکلترونك ائتلافندن حیات بکله یور ، یشامق امید ایدیور .

ای بویوك پیغمبرك کوچوك امتی ، صایسز افرادی ؛ حالکی دوشون ، اوتان ، یرله کچ . اسلامی ذلتن قورتارمادقجه ، اونك شان بلندی اعاده ایتدکجه یشامق سکا حرامدر .

بکرمبى عصرده اهل صلیب مظالمی . — تیروله ر آنچایک غزته سنده مندرج ، ۲۱ مارت افرنجی تاریخیه اسکوبدن یازلمش خصوصی برمکتوبدن مستخر جدر : «... شمدیلک سزه طوغری بر تخمین ایله سویلیه یلمکلمک غیر قابلدر . یالکز شو قدر دیه بیلیرم که ساده قوصوده ده (۴۰۰۰) ی قادین وچوجق اولق اوزره (۳۰۰۰۰) آرتاودود قتل ایدلشدر . کیلان قضا سنده (۹) ، اسکوبده (۱۲) ، دبرده ده (۲۴) پرزرین ولومه ده تمام (۳۲) کوی احراق و یاصور سائر ایله تخریب اولنلشدر . عینی احوال یاقوه ، اییک ، وهریزوویج پرشته ، قوصوه وقومانوواده ده وقوع بولشدر . بتون بو حاللر هر درلو تقدیر وتصویرك فوقنده ، اسنالیه جق بر درجه ده در !... بوظلملری کورمکدن ایسه ، کورمه مکى ، اولمکی ترجیح ایدرم . کاشکه بنده اولیدمده کورمز اولیدم .

آرتاودود روحانیلرندن بری باشنه کلن فلاکتلری اکلایور . زواللینك خانه سی حقیق یر یتیمخانه اولمش ، بو ذات ساده صرب وقره طاغیللرك ارتکاب ایتدکلری وحشتلری اکلته اکلته پتیره میور . کفالده ، مالیده ، پوقاده ، زادریناده ودها سائر محالرده ایکی یوزی متجاوز عائله کاملاً محو وافنا ایدلشدر . بو زواللیرك هر بری ده آیری آیری برر صورته عاقبت خیمه یه معروض قالمشدر . کیسی قورشونه دیزلمش ، کیسی تیغ هلاکدن کچیرلمش ، بعضیسی آصیللمش ، البته آتشلر یاقیلهرق دیری دیری آلورلر ایچنده جان ویردیرلشدر . زوالی بر قادینجقزده قازینه باغلانه رق قیزغین آتشلر اوزرنده محو ایدلشدر .

دارالخلافه :

بعضه کتاب رسالرك منعی . — « رحمت الهیه برهانلری » ، « انسانلرك عقیده الهیه لرینه بر نظر » ، « اوزون کونلرده روزه » ، « قواعد فقهیه » ، ناملریله انتشار ایدن درت رساله نك مندرجاتی اصول اسلامیه کلیاً مغایر ونصوص قاطعه یه مخالف اولهرق تاریخ ادیان صروجلرینك اسلامیت علیه صرف ایتدیکی افکار سخیفه یی تأیید وترویج یوالی بر طاقم کفریات واباطیلدن عبارت اولدینی کی ائمه دین ایله علماء مفسرین حضراته ارباب انکارك آغز لرینه یاقیشیر طعن وتشنیی محتوی بولوندیغندن ومؤلفلرینك بو صورته اهل اسلامی اغفاله تصدی ایتدکلری آكلاشمقلا رسائل مذکورده نك هر نره ده وارسه طولانیلمسی مقام مشیختدن داخلیه نظارته اشعار ایدلشدر .

مهررك تعطیلی . — « حسیات اسلامیه یی رنجیده ایده جك مقالاتی حاوی اولدیغندن مقدما حکومت عسکریه جه تعطیل ایدلش اولان اجتهاد غزته سنك برینه حق قانونیدن بالاستفاده نشر ایدیلن جهده غزته سی دخی تتر نسوان حقنده امر شرعی بولوندیغنی ایما ایدر بر طرزده بیاناتی مندرج بولمسنه مبنی بلامدت حکومت عسکریه جه تعطیل ومؤسسسی عباده جودت بکده بلااستیذان تکرار رساله چیقاردینی تقدیرده اداره عرفیه خارجه طرد وتبعیدی تقرر ایتدیکی ، استانبول محافظلغندن مقام مشیخته بیلدیرلشدر .

ایران :

بویوك برهنه رك پانامه سی . — شیعیلک عالنده بیوك بر نفوذ

زبانك همدل احمد اعطاسی هفتده فتوا . — هند علمای اسلامیہ سی طرفندن زکات مفروضہ و صدقات سائرہ مک حال حربہ دولۃ الخلافہ اعانہ طریقہ اعطاسی جائز اولہ جفتہ دائرہ برفتوای شریف شرعی اصدار ایدیلش واشبو فتوانک بین المسلمین تأثیرات فوق العادہ سی کوریلشدر . فتوای شریف مذکور بروجہ آتیدر : « هرکیمک ذمتندہ زکات و یا صدقہ اولوبدہ بونلری عثمانی ہلال احمر جمعیتنے اعطا ایلہر سہ ذمتی بری واوزرندن واجب ساقط اولور . »

کویت :

الجمعية العربية . — کویتندہ امور خیرہیہ حصر مساعی ایلہمک اوزرہ کویت امیری شیخ مبارک الصباحک مخدومی امیر ناصرک ریاستی آلتندہ اذکیای شباندن مرکب (الجمعية العربیہ) نامندہ بر جمعیت تشکیل ایدیلدیکی و جمعیتک اہالی طرفندن فوق العادہ بر صورتدہ مظهر توجہ اولہرق آرز بر مدت طرفندہ جمعیت صندیقنہ کیرن تبرعاتک ۲۳۰۰ روبہیہ بالغ اولدینی الصباح غرتہ سندہ اوقونمشدر .

عمان :

یکی بر جمعیت اسلامیہ . — مسقطدہ منتشر العلم مجموعہ سی صاحبی السید محمد علی الشہرستانی مک مساعی و تشویقاتیلہ محل مذکورده (جمعیتہ الاتفاق) نامی آلتندہ بر جمعیت خیرہ اسلامیہ تشکیل اولونمشدر . مذکور جمعیتک یکرمی ایکی مادہ اوزرینہ مرتب پروگرامک اہالی اسلامیہ مک ترقی و تربیہ ذہنیہ سہ خدمت ایدہجک صورتدہ تنظیم ایداش اولدینی بغداددہ منتشر الصباح رفیقہ یازیبور .

آمریقا :

آثار جمعیت و پانہ تعمیر . — برہ زلیلادہ مقیم تبعہ عثمانیہ دن بعضلری وبالخاصہ الجدید غرتہ سی صاحبلری نجیب طراد و فارس نجیب افندیلر طرفندن جمع اعانات خصوصندہ فوق العادہ ابراز غیرت ایدلکدہ اولدینی خبر آلمسی اوزرینہ بوکرہ مالیہ نظارتجہ ، برہ زلیلیا شہبندریکی واسطہ سیلہ کندیلرینہ بیان تقدیرات اولنمشدر .

فیلپین :

وصیت اسمومہ آناری . — فیلپین اہالی اسلامیہ سنک مقام اقدس خلافت عظمایہ قارشلی اولان مربوطیت دینیہ لری حسیلہ کندیلرینہ اعتقادات و عبادات و اخلاق اسلامیہ بی تعلیم ایتک اوزرہ بر معل اعزامی حقندہ اہالی مذکورہ نامنہ وکیل مطلقلری ماجورجون ب . فیل طرفندن وقوع بولان مراجعت مشیخت جلیلہجہ شایان اسعاف کوریلدرک ارباب فضل و کفایتدن و مأمورین علمیہ دن کیلانی زادہ سید محمد وجیہ زید افندیکنک معلمک انتخابی تنسیب ایدلشدر .

اقصای شرق :

مانچوریادہ اسلاملرک فہالبی . — چیندن آیرلدینی زماندن بری مانچوری قطعہ سندہ برخیلی آثار ترقی مشاہدہ اولونیور . ابواب تجارتی اجنبی سرما یہ دارانہ کشادہ بولونان بوقطعہ دہ المان و انکلز تجاری بویوک بویوک مؤسسہ لر وجودہ کتیردکلری کبی بالطبع روس تاجرلری دہ بویولہ غیرتدن کری قالماقدہ درلر . وقت غرتہ سنک صوک پوستہ ایلہ کلن نسخہ لرندہ موسقوف ارباب تجارتیلہ برابر مانچوریادہ بر جوق اسلام متشہلرینک دہ کیتمش اولدیلرندن بحث اولونہرق بونلرک فعالیت و نتیجہ مساعیلری حقندہ شایان دقت و ممنونیت بعض معلومات ویریلور . مانچوریادہ مسلمان تاجار آرزمان طرفندہ روسلرلہ

صاحبی اولوب ایران حرکات احرارانه سندہ پیشوای ارباب حجت اولان مجتہدیندن مرحوم ملا محمد کاظم خراسانی ایلہ « عبدالله مازندرانی » نک الیوم مقامی اشغال ایتکدہ بولونان آقای حاجی محمد سید مصطفی کاشانی ، عالم اسلامک کچیرمکدہ اولدینی بحران حاضر طولانیسیلہ جبل المتین غرتہ سیلہ بر بیاننامہ نشر ایدلشدر . برحس عالی دیندارانہ و حجتمندانہ نک ترجان بیانی اولان بوفتوایی اہمیتنہ بناء بروجہ آتی عیناً نقل ایلہ یوزر :

« بسم الله الرحمن الرحيم . ربنا لا تجعلنا فتنة للقوم الذين ظلموا... »

« بالجله اخوان دينك نظرگاه دقتتہ :

« دول خرسستانیہ نک روح پیغبرذیشانی متأثر ایدہجک صورتدہ مراکز و بلاد اسلامیہ قارشلی اجرا ایلہ مکدہ اولدیلری مهاجمات متوالیہ دن ارباب دینک یورہ کارندن قائلر صیزدینی بویلہ بر صرہ دہ سکوتی ، درعہدہ ایتمش بولوندیغیز وظیفہ شرعیہ و مسئولیت دینیہ ایلہ غیرقابل تألیف کوردیکمزدن (فان الذکر تنفع الذکری) حکم عالیسنجہ اخوان دیغزہ خطاب ایدیوزر . « روسلرک ایراندہ ، وایتالیانلرک طرابلس غرتہ یابدیلری فجایع ایلہ عبدہ صلیبک مافی الضمیرلری آرتقی تمامیلہ آکلاشلدی . بو جہتلہ بوکون مسلمانلرہ قارشلی حایقیرہرق کندیلرینی بیضہ اسلامی مدافعہیہ دعوتلہ ہم دل مجروح مشترکمزہ بر رشاشہ تسلیت ویرمک ، ہم دہ آثار تہیج و تیغظلرینی تزئید ایتک ایستہ یوزر .

« تاکہ اونلرک ہمت و حیتلری سایہ سندہ اسلامک شو جسم مطہر زخمداری بر آزار افاقت بولسون . بردریای خروشان ایچندہ جابالامقدہ اولان شوکشتی ضعیف بر ساحل نجاتہ یاناشہ بیلسون .

« اوت ، فرق اسلامیہ آرہ سندہ سنہ لردنبری حکمفرما اولان اختلاف و تنازع مع التأسف بینلرندہ کی اوقیریلقی بیلیمز الی رابطہ بی بوزدی . وبوندن طولانی ہبسی دہ پریشان اولہرق دشمنلرینک تحت اسارتنہ دوشدیلر . رأس کار و ادارہ دہ بولونان ذواتک عصرلردن بری محافظہ وطن و دین خصوصندہ مشہود اولان تکاسل و مسامحہ لری نتیجہ سندہ ایسہ بر چوق مملکتلریمز ، مقدساتمز ابادی اعدایہ اشغال ایلدی .

« اندلس ، جزائر ، تونس ، فاس ، ایران و سائر ممالک اسلامیہ نک اوغرا دینی بوفلا کتیر اعدای دینہ اوقدر جسارت ویردی کہ بوکوندہ عالم اسلامک اک بویوک بر حکومتی اولان عثمانیلرک پای تختی تہدید ایدیوزر . بر آرز کندیمزہ کللم . سیئات ماضیہ نک نتایج مؤلہ سندن اولان حال حاضر دہ کی مہالکی نظر عبرت و انتباہ ایلہ کورہلم . ال الہ ویرہ رک ممالک اسلامیہ نک بقیۃ السیوفی اولسون مدافعہیہ عزم ایدہلم . آرتقی حجت اسلامیہ مزی اظهار ایدہجک زماندر . اسلامک اک عالی ہلالنی (العیاذ باللہ) صلیبہ چکنتہ مک ایستہ یورسہ نک دولت عثمانیہ نک مالاً و بدنأ معاوتنہ شتاب ایتہلی یز . »

« ان تنصروا الله ينصرکم »

ہندستان :

مہرم بر اجتماع . — (لکھنؤ) دہ ہندستان جمعیت خیرہ سی طرفندن کچلردہ عمومی بر اجتماع عقد ایدلشدر . ہندستانک آتسی نقطہ نظرندن بر اہمیت مخصوصہ بی حائر اولان بواجتماعدہ بر جوق مباحثات و مذاکرات جریان ایتمش ، بالخاصہ رئیس جمعیت (شافی) ہند مسلمانلرینک ساحۂ سیاسیاتدہ غیر مسلم ہندیلرلہ تشریک مساعی ایتہ لری لزومندن بحث ایلہ مشدر . مومی الہ ایراد ایلدیکی نقطہدہ « انکلتزہ نک تحت حمایتہ سندہ و مشروطیت اساساتہ مبتنی بر ہند حکومت ممتازہ سی حصولنہ چالیشقی بتون ہندیلرچہ بر غایہ امل اولیلدر » دیمش و یقین زمانلردہ ہندستاندہ شایان دقت بعض حرکات و حادثات سیاسیہ وجودہ کلہجکنی ایما ایتلشدر . اجتماعہ ، ہند مسلمانلرینک مقام خلافت جلیلہیہ اولان مربوطیت معنویہ لرندن و انکلتزہ نک محاربہ حاضرہ دہ تعقیب ایتدیکی مسالکک ہند مسلمانلرینک حساسیتی رنجیدہ ایلہ دیککندن بحثلہ و دہا بوکا مماثل تظاهرات اخوتکارانہ ایلہ نہایت ویرلشدر .

قدمیسی اولان مارکی بالاییجی جنابلرینه تودیع ایدیلن جوابی نوطه نك ترجمه سیدر :

«ذات شوکتیما حضرت پادشاهینک زبرده واضع الامضا خارجیه ناظری، آستریا مجارستان انکلتزه، فرانسه، روسیه، آلمانیا وایتالیا سفیر کبیرلری حضرتانک تودیع ایتیش اولدقلری ۳۱ مارت ۹۱۳ تاریخلی مشترک نوطه مندرجانه کسب اطلاع ایلشدر .

حکومت سنیة عثمانیه صلحک فوائد و منافعی تقدیر ایلدیکندن سفرای مشارالیه منسوب اولدقلری دول معظمه جانبدن حکومت عثمانیه ایله بالقان دولتلری آره سنده موجود اولان حربیه نهایت ویرمک اوزره اجرا ایدیلن توسط دوستانه بی قبولده تردد ایتیمش ایدی . حکومت سنیة عثمانیه عین تمایلات صلح و روانه ایله مذکور نوطه ده تکلیف اولنان اساسات ابتدائییه هیئت مجموعه سیله قبول ایدر و صلحک اعاده تأسسی امرینی دول معظمه یه حواله ایلر .»

سبیر ملیم

متهقلرک جوابی نوطه بی

بولغار تلغراف آژانسی صوفیه دن تبلیغه کوره، متفقلر طرفدن ۲۲ مارت تاریخنده واقع اولان تشبث دولی یه ۵ نیسانده اعطا ایدیلان جوابی نوطه در :

«صلحک عقدینی تأمین و دولتلرک تشبثاتی تسهیل ضمننده حکومت متفقہ، تکلیف ایدیلن شرائط صلحیه بی قیود آتیله قبول ایدرلر :

۱ — تراکیا حدودی حقنده اراثة ایدیلن شرط، حقیقی خط حدود کبی تلقی ایدیلیرک یالکز مذاکرات صلحیه یه اساس تشکیل ایده جکدر .
۲ — آطه لر تورکیا طرفدن متفقلره ترک ایدیلیرک حکدر .

۳ — متفقلر، لوندردده واقع اولان تکلیفلرینه موافق اولمیدنی امید ایتکله برابر آرنان و دولتی حدودی حقنده کی تصوراتی شمیدین بیلیمک ایسترلر .

۴ — تضمینات حربیه اعطاسی اساس اعتباریله قبول ایدیلیرک، تفرعاته عائد نقاط، مسائل مالییه بی حل ایتک اوزره شکل ایدوب متفقلرکده اشتراک ایلیرک هیئت طرفدن تدقیق اولونه جکدر .

۵ — متفقلر، بالاده کی شرائطک حسن صورتله قبولی تقدیرنده محاضراتک ترکنه موافقت ایدرلر .»

سبیل الرشاد اداره و کتبخانه سی

سبیل الرشاد اداره خاھسی باب عالی جاده سنده کتبخانه عسکری قاروشونده کی دائرة مخصوصیه نقل اولمشدر . سبیل الرشاد، قارلرینک هر نوع کتاب سپارشلرینی قبول و سرعت ممکنه ایله کوندرمک اوزره برده کتبخانه شعبه سی آچمشدر . سبیل الرشاد کتبخانه سی برطرفدن آثار مهمه نافعہ نشرینه دوام ایده جکی کبی، دیگر طرفدن ده کتب نافعہ منتشره نك بین المسلمین نشر و تعمیمنه وساطت ایده جکدر . بناء علیه بالعموم مسلمان قارداشلرمن استانبولجه کتاب و رساله یه عائد هر نوع سپارشلرینی سبیل الرشاد کتبخانه سی واسطه سیله یاپه بیایرلر . ایسته نیلن کتاب و رساله نك پوسته اجر تیله برابر بدل مقرری نقداً و یا پوسته بولی اوله رق کوندردیکی تقدیرده سپارش همان ایفا اولنور .

مطبعة احمد احسان و شرکاسی

مدير مسئول : اشرف ادیب

و حتی سائر اوروپا لیلرله رقابتہ باشلامش و بر جوق مغازه لر، دپولر وجوده کتیرمشدر . مانچوریده بوکون مانیفاتورا و حاضر البسه جیلک تجارتی تمامیلہ مسلمانلرک انہ کچمش اولدینی کبی (خاریین) ده اک ایشاک و زنکین جاده لرک طرفینی ده مؤسسات اسلامیه اشغال ایتکده در .

خاریینده بولونان مسلمان عائله لرک مقداری سکسان قدر اولوب کندلرینه مخصوص کتبخانه لری و سائر مؤسسات دینیہ و مدنیہ لری ده وارددر . طوتیلان استانتیق لره نظراً خاریین اسلام کتبخانه سندن کچن سنه سکر بیک کیشی استفاده ایتمشدر . بو کتبخانه ده روسجه و تاتارجه اوله رق ایکی بیک جلدی متجاوز اوچ بیک روبله قیمتندہ کتاب موجوددر . کچن سنه مذکور کتبخانه منفعتنه ترتیب اولنان بر مسامره ده دخی بیک روبله اعانه درج ایدیلش اولدیکندن محتویاتی کوندن کونه زنکیلشمکده در . مذکور کتبخانه یکریمی بش غزته یه ده ابونه اولوب بولنر میاننده (نویه ورمیا) و (روس قوبه اسلاوو) غزته لری ده بولونقده ایکن محاربه حاضرده بوروس غزته لرینک حسیات اسلامیه بی رنجیده ایده جک طرزده نشریاتده بولنملری حسیلله کله جک سنه دن اعتباراً اولنلرک ابونه لرینک قطعنه ویرلرینه باشقه غزته کتیردیلہ سنه قرار ویرلشدر .

چین :

نانکینگ مسلمانلرینک فعالیتی . — عالم اسلامه دائر بر جوق شایان اعتبار و مفید حوادثلر ویرن عربجه رفقامزدن برینک مستخبراته نظراً (نانکین) اسلاملری چین مسلمانلرینک علی الاطلاق الک مترقی برزمهره سنی تشکیل ایتکده درلر . بولنر (نانکین) ک اهالی سائر سنه نسبتله دخی علماً و فکرأ دها عالی بر سوسیه ده بولندقلرندن حکومت محلیه دواثری مستخدمینی و مکاتب معلمینی میاننده اکثریتی احراز ایدیورمش . یالکز شهر مذکورک سائر مراکز اسلامیه دن بعدتی حسیلله قسم اعظمک دین مبینہ عائد معلومانلری پک نقصان ایتش . لکن بو حالی نظر دقتدن دور طوتیمان قسم منور، بالخاصه صوک چین انقلابندن صوکره (نشر اسلام و معارف جمعیتی) نامیلہ برجعت تشکیل ایتشلردرک بوجعتیک هدف و مسلکی اولاد مسلمینه روح اسلامیه موافق برتریه ویرمکدر . جمعیت مذکورک الیوم نفس نانکینده اون بیکی متجاوز اعضا سی و خانقو و شانفهای، سیچوان ولایتلرنده ده شعبات مخصوصه سی بولونقده در . بوندن باشقه جمعیت جهات سائرده دخی ابراز فعالیت ایده بیلیمک ایچون معتبران اسلام ایله تعاطی افکار ایلهمکده در . جمعیت مذکورک پروگرامنی شویله جه اجمال ایتک ممکندر .

(۱) چین مسلمانلرینه جمهوریتک تفهیم ماهیتی و بوندن استفادہ بوللرینک اراثة سی ضمننده چین لسانیلہ محرر بعض رسائل مطبوعه نك شهر و کویلرده اهالی اسلامیه یه توزی و اجتماع کاهلرده اشبو مقصدک خطابه لرله ایضاحی وهرشیدن اول (نانکین) ولایتی مبعوللرینک مصلحت و منافع اسلامیه بی ترویج ایده جک ذواتدن انتخابی وسائلک استکمالی .

(۲) مسلمان محله لرندہ مکاتب ابتدائیہ و رشديه کشادی، عربجه نك تعمیمیلہ اهالی یه حقیقت اسلامیه نك بیانی و حقیقی مسلمانلرک تکشیری .

(۳) مسلمانلرک تجارت و صنایع ایله اشتغاله سوقی ایله دوچار اولدقلری ضرورتلرندن تخلیصی و مفرط بر تعصبیلہ مألوف بولندقلری بعض عادات و اخلاق سیئنه نك محوی .

(۴) مساجد شریفه امامت لرینه علمادن و ارباب کفایتدن اولنلرک انتخابی . بو مقاصد عالیہ نك حصولنه کمال دقتله چالیشمقده و آثار فعلیه سی ده ظهور ایتکده اولسنه نظراً چین مسلمانلرینک آز مدت طرفندہ مظهر ترقی اوله جقلری مأمولدر .

وثائق تاریخیه

باب عالینک جوابی نوطه سی

۱۹۱۳ نیسان تاریخنده در سعادتده بولنان دول معظمه سفراسنک